

# Oro, plata y brons pa Aruba den atletismo

**ORANJESTAD** – Dos atletanan Toni-Lisa Brown di e club Y-Track y Wuill Vrolijk, di &21-Athletics a konkista e medayan di oro, plata y brons pa varios categoria den e Campeonato Suramericano de Atletismo de Menores 2014, cu a tuma luga na Cali, Colombia.

E hobennan a biaha dia 18 di juli ultimo, pa asina participa na e evento aki, caminda tabata tin participacion di varios pais di Sur America.

Ambos atleta tin 14 aña. Despues cu nan a sobresali den e Aruba Nacional championship 2014 y despues di a gana Overall den Dutch Caribbean Age Group championship na luna di Juni 2014.

E federacion di Atletismo di Aruba a bay di acuerdo pa e dos atletanan aki representa Aruba na Cali dia 19 di juli 2014

A biaha hunto cu e dos atletanan Augustin Dorothal y Anthony Illidge. E competencia ta pa categoria 14, 15 y 16 aña, Aruba cu hopi cu-



rashi a manda dos atleta di 14 aña pa enfrenta tur e paisnan grandi manera Colombia, Panama, Chile, Surinam, Bolivia, Ecuador, Brasil, Chile, Paraguay, Venezuela, Argentina.

Toni-Lisa Brown a hiba un bataya fuerte entre e atletanan grandi cu a haya un sorpresa ora Aruba a keda na di tres luga pa medaya di brons den bulamento leu, cu un distancia di 5,28 meter.

**Medaya di oro y plata**  
Wuill Vrolijk a competi den

cuater evento Disco, coremento di e distancia 1500 meter, Kogelstoten, el a logra medaya di plata cu distancia 10,08 meter (5kg). Wuill ta gana oro pa Aruba den hoogspringen cu 1.80 meter.

Ta for di 2009 cu atletismo di Aruba no a sinti e sabor di oro hunto cu e himno di Aruba ora di entrega di premio. Esaki sigur ta un noticia hopi positivo cu ta duna un estimulo na otro atletanan pa sigui den e mesun pasonan cu Brown y Vrolijk, kendenan a sa di sali victorioso. □